

Poesias

Autor(en): **Pelican, Barclamiu**

Objektyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **61 (1976)**

Heft 7

PDF erstellt am: **11.09.2024**

Persistenter Link: <https://doi.org/10.5169/seals-881799>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Poesias

da Barclamiu Pelican

TGEI EI DELETG?

Tgei ei deletg sin questa tiara
denter ils tiarms da tgin'e bara?
Mo rars e cuorts ein lezs muments
ch'ei empleni da legherments
– igl auter ei pitgira –

Cu nus gudin in stel ventira
en nossa sort, savens schi dira,
s'approximescha spert in mal
e quei che resta dad in tal
– ei lu nies cor ch'endira –

Cu quella frida ei vargada
e nossa plaga medegada
in auter mal ei preparaus
che vegn lu prest a nus surdaus
– puspei noss'olma plira –

Quei ei il cuors sin questa tiara
da nossa tgina alla bara,
ei varga spert tut nies barhar
e vegn il di da bandunar
– la veta da pupira –.

NOTG

Notg che maglia
en stgiraglia
nossa casa, nies clavau
nossa cuort ed er nies prau,
alla tiar', a tut contuorn
strenschas ti tiu vel entuorn.

Notg setschenta
e zuppenta
bia dolor e bia quitau
bia legria dil vargau
bia puccaus ti cuarclas vi
gie delicts pli ners che ti.

Notg ti rasas
tias alas
sur la tiara, sur il mund,
ti preparas ina punt
als fideivels si tier Diu,
els engrazian pil vegniu.

Notg schi nera
aber era
gidas laders e cugliuns
che engolan milliuns
che commettan grevs puccaus
senz'il pli pign malruaus.

Notg ti queschas
e verteschas
tut il bien e tut il schliet
che vegn fatgs pertut dariet,
ed jeu lessel mai scurclar
 quei che ti pos zuppentar.

ORAZIUN

Glisch e grazia Segner dai
a mi'olma ch'ei en peinas
ord miu cor jeu roghel Tei
o po sligia las cadeinas.

Pasch regala a miu cor
fai ch'jeu porti glisch adina
che mai sappi arder or
e sclareschi tras brentina.

Fai che possi quella glisch
derasar pertut legria
che fugenti tut il grisch
sin il tur da mia via.